

四
部
備
要
集
解

貞居詞

四部備要

集部

上海中華書局據彊邨叢
書本校刊

桐鄉 陸費達總勘

杭縣 高時顯輯校

杭縣 吳汝霖監造

版權所有不許翻印

貞居詞目錄

摸魚兒二

風入松

朝中措

蘇武慢

賀新郎

木蘭花慢五

瑤花慢

百字令二

宴山亭

八聲甘州

燭影搖紅

石州慢

水調歌頭三

滿庭芳

鳳凰臺上憶吹簫

滿江紅二

雪獅兒

望梅花

踏莎行三

南鄉子

蝶戀花三

浪淘沙

茅山逢故人

殿前歡

早春怨

如夢令三

漁父詞二

太常引二

定風波

憶秦娥二

水龍吟

梧葉兒二

鷓鴣天

喜春來

補遺

東風第一枝

柳梢青

貞居詞

句曲 張 雨 伯雨

摸魚兒雙蓮一絲爲人折去仲舉幾予賦之
問凌波並頭私語夜涼誰共料理柔情早被驚鴛妒
怕擊水晶如意香旖旎待微雨清塵略爲新妝洗騷
辭漫擬寒木末芙蓉同心輕絕未說已先醉 空折
損又墮偷香夢裏藕絲不斷新脆吳娃小艇無蹤迹
也怪半池萍碎還略記是月冷鷗眠驚宿曾驚起高
荷恨倚總回首西風露盤輕瀉清淚似鉛水
又和王平軒

看棋枰一番換局山中知幾朝暮舊時王謝堂前燕
都付後人懷古胡琴語索燕寢凝香此日天應許甘
回味苦笑老子癡頑胸中色線終爲衰衣補 投簪
去正有小山叢桂歸來依舊爲主春江釐釐番江淥
門外儘多來履高陽侶慣踏醉狂歌驚起星河鶯花
枝爭舞語蘭玉塔前穠纖依約猶染斷縑素
風入松壽吳大宗師

羽衣能補舜衣裳閒看雲忙宣文奎畫龍珠護□家
山輝映琳瑯天上重逢初度仙韶錫宴非常 滿朝
人道魯靈光合佩金章丹牙修出纖纖月看年年玉
斧吳剛不枉盤根壽樂要扶宗社靈長

朝中措早春書易玄九曲新居壁

草堂移住古城隈堂後水平階要結柴桑鄰里不須
鷗鷺驚猜 行廚竹裏園官菜把野老山杯說與定
巢新燕杏花開了重來
蘇武慢至正八年夏和虞道園

清露晨流新桐初引消受北窗涼曉經卷熏鑪筆牀
茶具長物任他圍繞老子無情年光有限只似木人
花鳥指凝雲數朵奇峯曾見漢唐池沼 還自笑待
老學蟬魚金題玉牘書裏也容身了阿對泉頭布衣
無恙占斷兩苔風篠獨歸來西山缺處掠過亂鴉
林表舞琴心三疊胎仙坐到月高山小
賀新郎戲次仲舉韻

金屋書中有爲錢塘佳麗待尋歡偶記得朝雲前日
夢伏事東坡最久且不是郡無官守日日湖中公事
了更成團妓女隨車後翁兩鬢禿如帚 老來莫負
簪花手比佳人難得靈芝三秀此夕燈花何太喜便
用買紅纏酒催看箇肩輿迎取有子平生千萬足看
明年墮地於菟走挂冠去學疏受

木蘭花慢己未十月十七日壽吳月真人

試瑤臺借雪春意早滿林巒笑東老殷勤能傾家釀
與盡清歡曾因求賢把詔便朗吟溢浦又廬山自愛
西湖煙雨玉鞭分付青鸞 神仙官府肯容閒樞要
在玄關有溪上金釐月中金粟長駐嬰顏願似洪厓
橘尤儘千年游戲向人間早晚鳳池書到通明殿上
催班

又和馬昂夫

想桐君山水正睡雨聽淋浪記短棹曾經煙柳晚渡
石磴飛梁無端故人書尺便夢中顛倒我衣裳此去
釣臺多少小山叢桂秋香 青蒼秀色未渠央臺榭
半消亡擬招隱羊裘尋盟鷗社投老漁鄉何時扁舟
到手有一襟風月待平章輪與浮丘仙伯九皋聲外

滄茫

又秋詞

看秋容漸好一番雨一番涼試點檢吾家小山叢桂
金粟都黃灤江限他吳越便胥魂不似向時狂眼底
龍飛鳳舞夢中孤嘯鳴張 茫茫今古總堪傷歌罷
意難忘甚老矣嵇生五絃揮手怕聽清商淵明平生
師友白衣人借與我持觴若問醉翁年紀指渠松柏
高岡

又和黃一峯聞箏

盡彈箏仕女會銀甲驟冰絃看蟬影傲傲鶯聲歷歷
鴻陣翩翩哀音暮年多感奈對花對酒更聞鶉鴉欲恐
乘雲飛去纏頭嬾住非煙 烏絲綴譜倩陳玄雅調
爲誰傳嗟江上峯青湘皋木落與挾飛仙正須絲竹
陶寫儘勝渠槌拍事枯禪莫負金尊皓月難留錦瑟
華年

又龜溪寄張小山

問出山小草誰與伴五湖游便憶昔風光桃花流水
杜若芳洲來時洞門無鎖倩鶴羣長繞侍仙樓邂逅
小山招隱依然我輩清流 春愁相戀住餘不寒擁
微貂裘奈雨柳煙花雲帆溪鳥都在簾鉤眼前自無
俗物動山心嫌聽鹿呦呦猛把石闌干拍買胡知爲
誰留

瑤花慢賦雪次仇山郎韻

篩冰爲霧屑玉成塵借阿姨風力千巖競秀怎一夜
換作連城之璧先生閉戶怪短日寒催駒隙想平沙
鴻爪成行似醉時書迹 未隨埋沒雙尖便淡掃

蛾眉與鬪顏色裁詩白戰驢背上馱取灞橋吟客撚
鬚自笑儘未讓諸峯頭白看洗出宮柳梢頭已借淡
黃塗額

百字令壽玄覽真人次黃一峯韻

橙黃橘綠占一年好景人閒真樂玉塵金鼈相對峙
如我視今猶昨珍重留侯招邀黃石俱赴蟠桃約一
卮仙酒得陪三老斟酌 總道獨縮銀章重披宮錦
有自家天爵八麥明年身更健胸次遙天恢廓春小
花繁溪清月皎都付延年藥洞霄仙侶更添一箇仙
鶴

又四月四日爲王國輔生日作

紅蓮一舸向游仙夢裏步虛金闕朝罷香煙攜滿袖
初度玳筵重設玉軸琵琶金瓶芍藥都在春風列天
然清貴樵林自愛晴雪 笑說奉母閒居吾非巧宦
未信潘郎拙戲引鴛鴦香徑底好在雙珠明月錦繡
樓臺燕鶯簾幙垂柳青絲結金籠放鴿年年飛絮時
節

宴山亭賦楊梅

鶴頂朱圓豐肌粟聚寶葉揉藍初洗親翦翠柯遠贈
筠籠脈脈紅泉流齒骨換丹砂笑尚帶儒酸風味誰
記曾問譜西泠綠陰青子 君家幾度尊前摘天上
繁星伴人同醉纖手素盤歷亂殷紅浮沈半壺脂水
珍果同時惟醉寫來禽青李爭似爲越女吳姬染指
八聲甘州舟次垂虹寄玄洲許道民

柳洲冰未浣奈春寒仙風引歸槎渺雲岑天末煙江
雨外猶認芳華獨酌瓦甌蓬底誰與飯胡麻疑聽松

風響水宿葉葭 天上春愁鶴髮許一庵閒地壞衲
雙鬢笑清狂無賴痼疾是煙霞念葛洪移居辛苦甚
左郎容易問丹砂憑傳語空山流水深護桃花
燭影搖紅紅梅

休聲珊瑚怕驚鳳枝頭睡看花猶自未分明雪在
雲堆砌步障齊奴故里儘一幅仙人絳袂研丹吮粉
擬覓生綃芳心難寄 姑射肌膚朝霞散入春風髓
石橋冰酒影娥閒略約相逢地錯妒嬌然嫵媚奈兒
家天寒翠被碧桃和露聽微吹笙綠珠羞墜

石州慢和黃一峯秋興

落日空城禾黍夜深砧杵纔歇怪他蘿薛締衣風露
潤滋涼淡清愁多少只消目送飛鴻五絃已是心悲
咽把酒問青天又中秋時節 聞說謫仙去後何人
敢擬酒豪詩傑草草山窗還我舊時明月書帷冷落
庭紅葉

水調歌頭盆荷

江湖渺何許歸興浩無邊忽聞數聲水調令我意悠
然莫笑盆池咫尺移得風煙萬頃來傍小窗前稀疏
淡紅翠特地向人妍 華峯頭花十丈藕如船那知
此中佳趣別是一壺天倒挽碧筒釀酒醉臥綠雲深
處雲影自田田夢中呼一葉散髮看書眠

又爲初心真人七襄初度時延祥有賜田之命

瑞靄延真館春滿瑞真家絳縣老人年紀更奈紫髯
何前日黃華迎賜賜予青麝舊物田野總謳歌報祝
啓金籙笙鶴恰來過 問蟠桃花結實樹交柯今朝

佳氣五雲都在牡丹坡何物可爲公壽直比心如明
月清鏡閱人多於此看勦業銅狄細摩挲
又贈都料邵子和還嘉禾

別有梓人傳精藝奪天工便使玉人雕琢妙手略相
同寶殿殿網珠窗戶華蓋後貌牀座金碧鬬玲瓏花尊
閒芝草細縷一重重 看揮斤除鼻聖運成風多少
巧心奇思舞鳳更翔龍縱使棘端猴小與刻三年楮
葉難比錦心胸快袖吳剛斧修取廣寒宮
滿庭芳重九次趙侯韻

湖曲荒煙石林斜日笛聲淒斷山陽孤懷無託只用
醉爲鄉回首西風黃落儘輸他松檜蒼蒼相思處書
題新橘還待滿林霜 人生難會合良辰孤負把菊
傳觴使三人對月獨自清狂正爲覓音空谷天遠近
鴻鵠高翔空追和陽春一曲聊代紫萸囊
鳳凰臺上憶吹簫和歐陽彥珍催桂

桂影團團小山叢底今年特地收香早陣風陣雨頻
掩西窗一翦辟寒金碎甚教人長想容光淒涼夜香
篝撤去孤負華堂 金菊芙蓉儘未怕揆葉移根多
少思量縱素娥老去肯便相忘怪得探芳秋蝶向翠
陰深處迴翔非遲暮一枝折得留待仙郎
滿江紅開元斗室落成玄覽真人命名得月軒

笑向桃花又一番玄都春色彷彿記主家陰洞不多
陳迹竹裏棋枰憎鳥污林間鶴語無人識怪東風遲
暮卻歸來龐眉客 溝水漲雲充斥環堵隘花狼藉
似石魚湖小酒船寬窄庭下已生書帶草旁人錯認
揚雄宅問青天明月落誰家無心得

又玉簪次班彥功韻

玉導纖長頓化作雲英香莢風弄影綠鬟撩亂搔頭
斜插瑣小還思釵燕並叢幽略比蕉心狹看柔鬢點
綴半開時微烘蠟冰筋瘦瓊枝滑芳徑底誰偷招
怕夜涼消得錦圍紅巾鵲管不禁仙露重蜜脾賸借
清香發待使君絕妙好詞成須彈壓
雪獅兒賦梅次仇山村韻

含香弄粉便句引游騎尋芳城南城北別有西邨斷
港冰漸微綠孤山路熟伴老鶴晚先尋宿怕凍損三
花兩蕊寒泉幽谷幾番花陰濯足記歸來醉臥雪
深平屋春夢無憑鬢底鬧蛾爭撲不如圖畫相對展
官奴風竹燒黃獨自聽瓶笙調曲
望梅花壽師道真人

何處仙家方丈渾連水隔他塵埃放鶴天寬看雲窗
小萬幅丹青圖障憑高望笑掣金龍人道是蓬萊頂
上時問葛陂龍杖更準備雪中鶴篁修月吳剛收
書東老消得百壺春釀無盡藏莫傲清閒怕詔起山
中宰相

踏莎行王翬隱五香圖作圓象墨寫梅蘭水仙山簪

瑞香五品盤屈折枝於其中韓明善有月上
影娥池人在衆香國一聯今予爲易玄賦之

玉鏡臺前看花如霧交柯接葉紛無數春寒約住柳
絲圈月明染下方諸露廬阜神游湘皋微步玉奴
老去羞樊素韓郎解比影娥池倩誰摘出香匳句
又爲朱德輝送僧道二首

龍樹名方阿師偏得參苓藥籠真奇特閒身偶爾病

魔侵幾番勞動黃金錫灌漑三田平和百脈只消
甘露楊枝滴八荒壽域太平時大家都藉慈悲力

又

春夢還山藥羅巖上覺來便覺身無恙不知引入市
塵壺丹瓢猶挂蒼龍杖一脈清涼三關調暢
更展滄溟量還將底事謝先生山中百斛丹泉釀
南鄉子題李紫箕山居

午枕託冥搜得句棲霞半嶺頭不奈風篁疏雨過
鷗化蝶飛來爲少留石壁倚清秋袖拂煙痕寫遠
游信有平生濠濮想悠悠身似潛魚嬾上鉤
蝶戀花新柳

誰道鵝兒黃似酒對酒新鵝得似垂絲柳鉛粉泥金
初染就年年春雪消時候一縷柔情能斷否雨重
煙輕無力縈窗牖試看溪南陰十畝落花都聚紅雲
帶

又清明日去梁溪元鎮買舟追送未至戲題所坐船
窗

雨館幽人朝睡美好趁春晴茶竈隨行李九朵芙蓉
青似洗天河一夜增新水相送殷勤煩主禮燕子
無情不管帆檣起錯恨分風三十里清明小住爲佳
耳

又追次蘇翁卷中冬至之作

空谷天寒殊慰藉半幅瑤華喚得春回也金馬玉堂
猶傳舍松雲潁水風流夜馳騁莊騷凌鮑謝昔日
忘年邂逅瀟灑野愁絕朱絃誰爲寫高情那復如疏
者

浪淘沙周晉仙諱文璞者有詞云還了酒家錢便好

安眠大槐宮裏著貂蟬行到江南知是夢雪

壓漁船盤礴古梅邊也信前緣鶴黃雪白又

醒然一事最奇君聽取明日新年晉仙宋南

渡來名士一號方泉老人此詞鮮于困學每

愛書之百年後方外士張雨追和一章以爲

笑樂惜困學公不能爲我賞音

拋下杖頭錢取次高眠玉梅金縷孟家蟬說著錢塘

都似夢嬾問游船誰信酒壚邊別有仙緣自家天

地一陶然醉寫桃符都不記明日新年

茅山逢故人句曲道中送友

山下寒林平楚山外雪帆煙渚不飲如何吾生如夢

鬢毛如許能消幾度相逢遮莫而今歸去壯士黃

金昔人黃鶴笑人黃土

殿前歡楊廉夫席上有贈

小吳娃玉盤仙掌載春霞後堂絳帳重簾下誰理琵琶

香香山處士家玉局仙人畫一刻春無價老夫醉也

烏帽瓊華

早春怨擬白石

盼得春來春寒春困陡頓無聊半剔殘釭片時春夢

過了元宵空山暮暮朝朝到此際無魂可消卻倚

東風水如衣帶草似裙腰

如夢令山中逃熱三首

湖外殘鐘未了過嶺樵夫恁早犬吠又人行推枕北

窗清曉清曉清曉勞動數聲啼鳥

又

綠錦峯巒似繡曲折一渠冰溜中有養痾人敲枕北

窗清晝清晝清晝胡蝶還知夢否

又

靜默兩家茅舍特地月明狼藉不管候蟲吟高枕北

窗清夜清夜清夜涼似樊川水榭

漁父詞贊船子和尚二首

此物由來不可名絲綸收去水波平長抱膝可憐生

誰共蓑衣臥月明

又

上釣金鱗不用多踏翻船子便高歌猶有在問如何

問取農家張志和

太常引浴鵝灣有詠寫奉易玄

一叢奇石古苔龜一半浸接藍有幾許煙嵐怕魚鳥

驚人笑談幽幽尺宅蕭蕭環堵佳處要人參休看

是江南似鉅鉚潭西小潭

又漫翁新製畫舫湖中予爲名其舫曰浮家泛宅翁

姓李字仁仲湖船用布帆自李始

莫將西子比西湖千古一陶朱生怕在樓居也用著

風帆短蒲銀瓶索酒并刀斫鱸船背錦模糊堤上

早傳呼那箇是煙波釣徒

定風波玉虛宗師十月二十八日誕丁卯九月閏錦

衣期頤之佳瑞也舊蓬萊閣成後拜鎮南王

賜衣之寵喜而作歌

漆點方瞳雪覆眉鶴巢殿角與雲齊笑挈蓬萊三百

丈更向白雲層外著丹梯步障諸峯霜似錦借問

高寒那與世人知楊子賢王新有教淡染高麗綾子

製荷衣

憶秦娥 楊山居湖舫新成載酒落之賦秦樓月二首

書於船窗

蘭舟小一篷也便容身了容身了幾番煙雨幾番昏
曉出橋三面青山繞入城一向紅塵擾紅塵擾綠
囊青簪讓渠多少

又

蘭舟小沿堤傍著裙腰草裙腰草年年青翠幾曾枯
槁漁歌一曲門顛倒酒壺早是容情了容情了肯
來清坐喫茶須好

水龍吟 代玄覽和東泉學士自壽之作

古來宰相神仙有誰得似東泉老今朝佳宴楊枝解
唱花枝解笑鐘鼎山林同時行輩故人應少問功成
身退何須更學鴟夷子煙波渺我自深衣獨樂儘
從渠黃塵烏帽後來官職清高一品還他三少不須
十載光陰渭水相逢又入非熊夢了到恁時拂袖逍
遙勝戲十洲三島

梧葉兒 贈龜溪醫隱唐茂之二首

參苓籠山水閒好處在西關放取詩瓢去攜將酒榼
還把酒倩歌鬟休舉似江南小山

又

移家去市隱閒幽事頗相關劉商觀弈罷韓康賣藥
還點檢綠雲鬟數不盡龜溪好山

鷓鴣天 贈醫士沈德誠

東老傳家道氣濃榴皮壁上有仙蹤耳孫陰德知何
限都在參苓藥籠中無貴賤有窮通活人心事契

蒼穹吾家昆弟能無恙須藉全生一匕功

喜春來泰定三年丙寅歲除夜玉山舟中賦

江梅的的依茅舍石瀨濺濺漱玉沙瓦甌篷底送年
華問暮鴉何處阿戎家

貞居詞補遺

東風第一枝玉簪

清淚如鉛綠房迎曉寶堦低擁雲葉蜻蛚飛上梢頭
依前豔香未歇西窗暗雨怪簾底參差涼月正一叢
深倚琅玕石上只愁磨折問瑤草應憐短髮曾醉
墮無聲膩滑羞他金雀鈿蟬似高水仙羅襪芳心斷
絕誰與贈湘皋瓊玦試折花擲作銀橋看舞素鸞迴
雪

柳梢青題楊補之墨梅

面目冰霜逃禪正派只讓花光怪底徐卿爲渠描貌
縈損柔腸有誰步履長廊更折竹聲中細香酒半
醒時雪晴寒夜月上西窗